

QUÆSTIO MEDICA,

*Quodlibetariis disputationibus manè discutienda in Scholis
Medicorum, die Jovis decimâ septimâ Novembris 1712.*

M. JOANNE HENRICO IMBERT, Doctore
Medico, Præside, è regiâ Scientiarum Academiâ.

*In juvene convenientibus organis instructo numquam-ne
desperanda Venus?*

I.



FERTILIS ornamentorum campus, fœmina:
Mentis pollet illa dotibus & corporis. Omnium non
eadem formæ elegancia, non una cupiditas. Alia
munditie simplex amatur necessariò; alia custodit
arte pulchritudinem, ne contrâ se facies imperium exerceat.
Hæc servit ambitioni, illa divitiis, vix ulla veneris immemor.
Adeò blandum res venerea malum est. Amori læta patent
corda similiter & tristitia. Non ille modò occupatio animi
otiosi, sed ardua molientis. Virum mulier appetit, mulie-
rem vir. Quidquid in naturâ, totum ad generationem. Otia
si tollas non periêre arcus cupidinis. Venerem tempus est
quo negligas sine dedecore. Mollis infantia sustinendo impar
operi. Impunè non recusat juvenus robustior. Turgens in
conceptaculis semen, nisi licita Venus minuerit, cecâ putre-
dinis labe inficitur. Totus vitæ labor æternitatis cura, & spe-
ciei propagationis. Omnibus insitum immane generandi desi-
derium, facultas denegata quibusdam. Naturam diceres non
tam ipsis fuisse parentem, quam novercam. De juvene con-
clamatur, quem non ad ætatem constitutam movet libidinis
æstrum. In illo numquam desperanda Venus, in quo nullum
est generationis impedimentum insuperabile.

II.

STUPENDUM naturæ opus, generatio. Mutuâ in-
choatur penis, uterique societate, debitâ perficitur fœ-

minæ constitutione. Erectio, fœcundiliquoris ejaculatio, viro necessaria. Partium illiûs genitalium mirabilis apparatus. Tortuosi canaliculorum flexus, testes. Eorundem congeries tubulorum, Epididymides. Plurimus cellularum inter se communicantium numerus, vesiculæ feminales. Glandularum opus peculiarium, seminis secretio, variæ testium circumvolutionis, elaboratio, vesicularum, coacervatio. Fibrarum, retis instar, contextus, penis. Nunc liber sanguinis circuitus per labyrinthi gyros, hinc mollities: nunc difficilis, hinc rigiditas. Totiûs artificii instrumenta, muscoli erectores. Ab illorum contractione Venarum pressio, à relaxatione remissio. Ut erectio assidua, morbus, sic obstinata flacciditas, vitium. Spretus jacet sine honore arcus semper humilis. Gutta membri virilis serena impotentia species illa. Hâc qui laborat virilitatem mentitur organi pulchritudine, larvarum deponit in opere simulachrum. Colori nimium non credunt Venerem qui tractant familiariter. Mulieri inimica gens impotentium genus. Durum sitire semper, ardorem extinguî nunquam.

III.

IM POTENTI laboriosa possessio, uxor. Tota si ruit in illam Venus, sponsum urit castitatis amor. Nutricula cupidinis, juvenus. Dives spiritibus sanguis æstuat, iisdem exhilarata frequenter organa incalescunt. Hinc in ludo amatorio athletæ juvenes plurimi. Felix ætas quam Venus amat, felicior illi si nunquàm invideret. Noscere non datur omnibus dulces gnatos, amoris præmia. Connubii deliciis, nec fruuntur Spadones, nec ab illis speranda proles. Sunt quibus nocet sanguinis constitutio. Denegatur quandòque facilis spiritibus via ad musculos. Longior in aliis fovetur organorum imbecillitas. Nulla putes impedimenta generationis in juvene convenientibus instructo organis, insuperabilia. Nativam fluidorum indolem si scruteris, varia pro variis ætatibus. Nimiâ phlegmatis copiâ regurgitans sanguis in infantia, humidus: florescit in juventute & ætate virili calidus, salium sulphurumque prædominio: suis depauperatus spiritibus friget in caducâ senectute. Infantibus nondum nota Venus. Extinctus jacet inter senes

amor. Naturam caveas tuis adstringere legibus. Ludentem mireris ubique. Homines fractos annorum pondere videre est calidæ constitutionis, juvenes nonnunquam frigidæ.

I. V.

PLENA spei juvenilis ætas. Suis si non caret incommodis, præsidia nec illi defunt, quibus reparentur. Sopitos per longum tempus suscitare valet amoris igniculos. Juvenibus nihil arduum. Pruritus removel libidinis humidior sanguis. Quid mirum? obruti phlegmate spiritus enervantur; hinc mutuam languet corpus inter animamque commercium. Semen iners dulci titillatione non invitat ad Venerem. Uterus sæcunditatis amans si arripit, decipitur. Mutabilis illa juvenis constitutio. Dubitas? mechanicæ demonstrant leges, fermentationisque. Ab ortu ad annos viginti - quinque partium accretio, vigor ad quadraginta circiter, ad mortem usque deperditio. Firmior in viro solidorum compages, robustior & motus; hinc feri redundantis in partibus dissipatio. Fluida vividius effervescent; indè salium sulphurumque evolutio major. Frustrâ igitur de juvene desperes, in quo latet adhuc amoris aculeus. Præpeditâ spiritibus viâ ad erectores se se non attollit penis ad ejaculatores musculos semen non propellitur. Immedicabiles qui putat in juvene obstructions rationi consulat, & experientiæ. Membrorum paralysis in juventute insanabilis-ne annorum serie? quot herniæ, capitis, ventriculi, pectoris infirmitates tempore restitutæ. Quid ni & reparentur, organa generationis. Mulierum est, non naturæ, suos virili potentiæ præscribere limites. Signa præstant alii præmatura, alios videas tardius robustos.

V.

MALUM mortalibus ineluctabile, senectus. Dum loquimur fugit invida ætas irrevocabilis. In senibus feriatur amor. Languent organa generationis. Hic est spei terminus. Ne mireris! longo tandem exercitio debilitatus solidorum tonus, hebescit. Hinc lenta sanguinis effervescentia; parca spirituum secretio, obstructions, innumera morborum cohors. Sua noscant bona juvenes, nec illis abutantur.

Si sunt Veneris impotentes, ad organorum attendas constitutionem. Optima est, ne desperes. Tardos quandòque edidit fructus terra ferax. Eodem tempore organi cujuslibet non augmentum idem, roburque, non eadem deperditio. Ille concoquit impigrè, tenerâ laborat pulmonum compage. Hunc recreat omnis aer, solvit vel rarus concubitus: quid mirum? si fovetur non nunquàm in juvenibus genitalium imbecillitas. Occupationes à teneris, negotiorum multitudo, studii amor, exercitii defectus, spirituum distrahunt influxus. Illorum quæ fit animo jactura, corporis reparatur dispendio. Solida corroborantur in ætate virili, incalescit sanguis, mulierum consuetudo rara antea, familiarior; hinc spiritus frequentes ad organa, vividæ illorum oscillationes, seminis elaboratio perfectior, salacitas major. Repetitis partium ictibus superantur tandem obstructions nondum firmatæ. Ossa quin & etiam fero redundante curvata restituantur. Juvenibus nihil arduum.

*Ergo in juvene convenientibus organis instructo numquam
desperanda Venus.*

Domini Doctores disputaturi.

M. Michael Procope Costeaux.

M. Joannes Claudius Adrianus
Helvetius.

M. Salvator Cluscard.

M. Claudius du Cerf.

M. Joannes-Baptista Enguehard.

M. Claudius Vergne.

M. Franciscus Vernay.

M. Joannes-Baptista Dodart
Serenissimi Delphini dum viveret
Medicus primarius.

M. Philippus Douté, Academiæ
Censor.

Proponebat Parisiis PETRUS ANTONIUS LEPY, Parisinus,
Baccalaureus Medicus. A. R. S. H. 1712.

Apud Viduam Francisci Muguet, Regis & Facultatis Medicinæ
Typographi. 1712.